

HOËRSKOOL PORTERVILLE

POSBUS 22
PORTERVILLE
6810

TEL: (022) 931 2174
FAKS: (022) 931 3321
E-MAIL: sekretaresse@porterhs.co.za



Gestig 1870

PROSPEKTUS 2020

Ons streef daarna om 'n vooruitstrewende leerorganisasie met 'n Christelike karakter te wees wat toekomsgerigte, relevante onderwys bied aan lewensblye, gedissiplineerde kinders deur 'n doelgerigte en werktevreden onderwyskorps met die hulp van 'n betrokke gemeenskap.

- Vooruitstrewende leerorganisasie
- Christelike karakter
- Toekomsgerig
- Relevante onderwys
- Lewensblye, gedissiplineerde kinders met visie
- Doelgerigte en werktevreden onderwyskorps
- Betrokke gemeenskap

MNR. WILLEM ENGELBRECHT
SKOOLHOOF

ME. MARIETJIE POTGIETER
ADJUNK-HOOF

1. LEUSE VAN DIE SKOOL

Op die voorpunt.

2. VISIE

Om 'n inrigting van uitnemendheid te wees waarop ouers, leerders en opvoeders trots kan wees en waar gebalanseerde jongmense ontwikkel word.

3. MISSIE

Ons streef daarna om 'n vooruitstrewende leerorganisasie met 'n christelike karakter te wees wat toekomsgerigte, relevante onderwys bied aan lewensblye, gedissiplineerde en betrokke leerders (met visie) deur 'n doelgerigte en werktevreden onderwyskorps met die hulp van 'n betrokke gemeenskap.

Ons missie kan as volg saamgevat word:

- * **Vooruitstrewende skool**
- * **Christelike karakter**
- * **Toekomsgerigte en relevante onderwys**
- * **Lewensblye, gedissiplineerde en betrokke leerders**
- * **Doelgerigte en werktevreden onderwyskorps**
- * **Betrokke gemeenskap**

4. SKOOLLIED

Waar ryp geel graan in die winde speel

Bloue lug ons berge streele

speel en werk ons, speel en werk ons

Kinders van die HSP

Werk en streef ons, werk en streef ons

Kinders vrolik vry en bly -

Na 'n toekoms groot en vry.

5. STIGTING

Die skool is geopen op 20 Januarie 1870.

Die hoeksteen van die huidige gebou is gelê op 25 Januarie 1957

6. SKOOLTYE

Graad 1

1ste, 2de, 3de kwartaal & 4de kwartaal

Maandag – Vrydag 07:30 - 13:15

Graad 2 – 12

1ste, 2de, 3de & 4de kwartaal

Maandag – Vrydag 07:30 - 14:00

7. SKOOLFONDS

Skoolfonds vir 2020 is R 13 500 per leerder per jaar soos goedgekeur deur ouers teenwoordig tydens die begrotingsvergadering op 21 Oktober 2019.

OPSIE 1 (10 maande)

- R1 350 vanaf Januarie 2020 tot Oktober 2020

OPSIE 2 (11 maande)

- R1 500 vir Januarie
EN
- R1 200 vanaf Februarie 2020 tot November 2020

Aftrekorders moet direk by die bank gereël word en die eerste betaling moet gedurende Januarie plaasvind. Die skool se bankbesonderhede vir ALLE betalings is as volg:

Bank	:	ABSA, Porterville
Takkode	:	334407
Rekeningnommer	:	2100390046
Rekeningnaam	:	Hoëskool Porterville
Tipe Rekening	:	Tjekrekening

8. KOSHUIS

Losiesgeld vir 2020 beloop R4 800 per kwartaal (R19 200 per jaar) per leerder. Dit is streng vooruitbetaalbaar. Geen leerder sal tot die koshuis toegelaat word indien sy/haar koshuisfooie nie betaal is nie.

OPSIE 1 (kwartaalliks – betaal op die 1ste dag van die kwartaal)

- R4 800 (dus Januarie, April, Julie, Oktober)

OPSIE 2 (10 maande – betaal op die 1ste dag van die maand)

- R1 920 vanaf Januarie tot Oktober

Bankbesonderhede: **ABSA Rekeningnommer : 2100142913.**

9. HAND- EN SKRYFBOEKE

Alle handboeke sal aan die leerders verskaf word. 'n Vervangingsfooi van R200 per boek is betaalbaar indien die leerder 'n boek verloor of verniel sodat dit nie meer gebruik kan word nie. Alle boeke moet aan die skool terugbesorg word aan die einde van die skooljaar of indien die leerder die skool verlaat. Daar mag van die leerder verwag word om sommige voorgeskrewe taalboeke en by sekere vakke 'n werkboek, aan te skaf soos deur die vakopvoeder met hul gekommunikeer. Nuwe boeke is by ontvangs ten volle betaalbaar. Geen handboek sal aan 'n leerder uitgereik word indien die vorige jaar se boeke nie ingehandig is nie. Alle skryfboeke word aan leerders voorsien.

10. VAKKE

- Graad 1 - 9:** Verpligte vakke soos voorgeskryf deur die Departement
Graad 10 - 12: Vakkeuse vorms is by me Trieneke Theron beskikbaar

11. BUITEMUURSE AKTIWITEITE

11.1 Ge-affilieerde sportsoorte:

- Somer: Atletiek
Tennis (ook professionele afrigting teen vergoeding)
Krieket
Swem
Winter: Rugby
Netbal
Gholf
Privaat: Ruiterkuns en Uithouritte
Tweekamp
Karate
Ballet
Rolbal

11.2 Kultuur- en verenigingslewe:

- Debat & Redenaars
VCSV
KOOR - Laerskool- & Hoërskoolkoor
Opvoedkundige uitstappies
Neem deel aan alle olimpiades, algemene kennis, toneel en buiteskoolse eksamens
Skoolkoerant (Kontak)
Eisteddfod
Kuns (privaat teen vergoeding)
Dramaklub
ATKV

11.3 Ander

- Noodhulpopleiding

12. HUISHOUDELIKE ReëLS

12.1 Voorkoms van leerders

Die persoonlike voorkoms en kleredrag van 'n leerder moet voldoen aan die norme en voorskrifte wat deur die Beheerliggaam bepaal word.

12.2 Gedrag en optrede van leerders

- 12.2.1 Leerders moet die skool tydens vasgestelde skoolure stiptelik bywoon. Leerders wat laat kom moet eers by die kantoor aanmeld. 'n Leerder mag nie gedurende skoolure sonder die skoolhoof, of die skoolhoof se gemagtigde, uit 'n klas afwesig wees of die skoolterrein verlaat nie. In geval van afwesigheid moet ouers die skool telefonies, per brief of per mediese sertifikaat in kennis stel.
- 12.2.2 Terwyl 'n leerder onder die skool se toesig is, mag hy/sy nie 'n opvoeder, werker of leerder se liggaamlike welsyn benadeel of in gevaar stel nie, en mag hy/sy nie wapens, speelgoed of enigiets wat liggaamlike beserings kan veroorsaak, in besit hê nie.
- 12.2.3 Geen leerder mag 'n ander leerder die reg van onderrig ontneem nie.
- 12.2.4 Ontwrigting van klasse op enige wyse is ontoelaatbaar.
- 12.2.5 Onwelvoeglike taalgebruik, oneerlikheid, leuentaal en valse verklarings is ontoelaatbaar.
- 12.2.6 Rook deur leerders word nie toegelaat nie.
- 12.2.7 Leerders mag nie dwelmmiddels of alkoholiese drank of aanstootlike leesstof of materiaal in sy besit hê, gebruik, onder die invloed wees of aan ander gee nie. Hy mag ook nie op die internet ingaan om aanstootlike materiaal te besigtig of uit te druk nie.
- 12.2.8 Skooleiendom, of enigiets by die skool wat die eiendom van iemand anders is, mag nie beskadig, ontsier of besoedel word nie.
- 12.2.9 Niemand mag by die fietsloods met fietse peuter nie.
- 12.2.10 Elke leerder is mede-verantwoordelik om kleekamers, stoepe en die terrein netjies en skoon te hou.
- 12.2.11 Geen intimidasie, van watter aard ook al, van ander leerders mag plaasvind nie.
- 12.2.12 Geen vergaderings/samekomste mag sonder die skoolhoof se toestemming op die skoolterrein gereël word nie.
- 12.2.13 Verspreiding en ontvang van pamflette op die skoolterrein, sonder die skoolhoof se verlof, is verbode.
- 12.2.14 'n Leerder, wat met die skool geassosieer kan word, wat op enige plek of tydstip die skool se naam in diskrediet bring, kan tot verantwoording geroep word.
- 12.2.15 Geen leerder mag minagting teenoor die Republiek van Suid-Afrika se nasionale simbole of die skool se kodes openbaar nie.
- 12.2.16 Van elke leerder word daar verwag om hom/haar te onderwerp aan die gesag oor hom/haar aangestel.
- 12.2.17 Die interne ordereëlings van die skool, soos van tyd tot tyd deur die skoolhoof of sy gevoldmagtigde bepaal, moet ten alle tye gehoorsaam word.
- 12.2.18 Die skool het 'n gedragskode vir leerders waaraan leerders moet voldoen. Oortreding daarvan kan lei tot dissiplinêre optrede. **L.W** Die volle inhoud van die gedragskode is nie noodwendig in die prospektus vervat nie.

13. SKOOLDRAG

13. 1 Voorsiening

Skoolklere is te koop by Kaap Agri in Buitengrachtstraat.

13. 2 Skooldrag vir dogters

SOMERKWARTALE	WINTERKWARTALE
Voorgeskrewe somerskoolrok Kort wit sokkies Swart skoolskoene met veters of bandjie oor die voet Veters moet korrek gestrik wees	Voorgeskrewe somerskoolrok OF Donkerblou langbroek, langmou wit hemp en skooldas Lang swart kouse Voorgeskrewe kleurbaadjie Donkerblou trui met skoolkleure <i>(Die trui mag nie sonder die baadjie gedra word nie)</i> Swart skoolskoene met veters of bandjie oor die voet Donkerblou moulose oortrektrui (opsioneel) & Gr. 12 Maroen oortrektrui Donkerblou skoolserp (opsioneel)

GRAAD 5 - 7:

Hierdie leerders mag gedurende die winter die voorgeskrewe skoolsweetpak dra saam met 'n wit hemp, das en skoolskoene. 'n Voorgeskrewe donkerblou windjekker kan op koue dae gedra word. Die sweetpak en windjekker moet toegerits wees. Leerders mag gedurende die somerkwartale kaalvoet skool toe kom.

GRONDSLAGFASE en GR,4

Die volgende drag is in 2019 infaseer; vanaf 2021 is dit verpligtend.

Skooldrag vir Dogters:

SOMERKWARTALE	WINTERKWARTALE
Navy gholfhempie met geel "piping", navy skort (romp/ broekie), kort wit sokkies en wit tekkies	Navy gholfhempie met geel "piping", navy skort (romp/ broekie), kort wit sokkies en wit tekkies. Navy skoolsweetpak en/of navy warm voorgeskrewe windjekker en trui.

13.2.1 VOORKOMS VAN DOGTTERS:

Hare

- ☺ Hare moet netjies wees.
- ☺ Die kuif mag nie in die oë hang nie; indien wel moet dit vasgesteek word.
- ☺ Indien die hare vasmaaklengte is, moet dit vasgemaak word.
- ☺ Wit, swart of donkerblou effekleurige haarlinte, haarbande en bolletjies mag gedra word. Knippies mag donkerblou, wit, silwer of bruin wees.
- ☺ Indien hare gekartel word, moet dit netjies uitgekam en vasgebond word.
- ☺ Indien meisies hare "bob" wil dra moet dit so kort wees, dat dit nie vasgebond kan word nie.
- ☺ 'n Haarband moet wel saamgedra word.

☺ Afrikavlegsels is toelaatbaar indien alle vlegsels in een poniestert vasgebind word.

☺ Kleur van hare:

- ☞ Hare mag nie op onnatuurlike wyse gekleur word nie.
- ☞ Nuut aangewende kleur mag nie meer as een skakering lichter of donkerder as natuurlike haarkleur wees nie
- ☞ Indien haarwortels wys dat kleur uitgroei, moet dit weer gekleur word sodat dit netjies vertoon.

☺ Versierings:

- ☞ Horlosies, "Medic Alert", en klein oorringetjies (maksimum 1cm in deursnee) of "studs" (goud of silwer) word toegelaat, asook die Bulle "studs", maar geen ander versierings nie.

Oorringetjies of "studs" moet in onderste gaatjie in oor gedra word.

☺ Geen grimering word toegelaat nie.

☺ Naelringe mag nie sigbaar wees nie. Tydens fisiese aktiwiteite (sport en LO) moet dit uitgehaal word of toegeplak wees.

Nails

As daar na die palm van die hand gekyk word, mag die naels nie verby die vingerpunte groei en/of uitsteek nie. Slegs kleurlose naelversterker mag gebruik word.

Roklengte

Wanneer leerders op knieë staan, mag roksoom nie hoër as 10 cm vanaf die grond wees nie.

Lapelwapens

Slegs wapens wat deur die skool toegeken is, mag gedra word.

13.3 Skooldrag vir seuns:

SOMERKWARTALE	WINTERKWARTALE
Grys kort- of langbroek	Grys langbroek en grys kortbroek
Wit skoolhemp	Wit skoolhemp
Grys sokkies met skoolkleure	Voorgeskrewe skooldas
Swart skoolskoene met veter	Voorgeskrewe skoolbaadjie
Veters moet korrek gestrik wees	Donkerblou trui met skoolkleure (Die trui mag nie sonder die baadjie gedra word nie)
	Swart skoolskoene met veter
	Donkerblou moulose oortrektrui (opsioneel)
	& Gr. 12 Maroen oortrektrui
	Donkerblou skoolserp (opsioneel)

GRAAD 5 - 7:

Mag gedurende winterkwartale 'n skoolsweetpak saam met 'n wit hemp, das en skoolskoene dra. 'n Voorgeskrewe donkerblou windjekker kan op koue dae gedra word. Die sweetpak en windjekker moet toegerits wees. Leerders mag gedurende die somerkwartale kaalvoet skool toe kom.

GRONDSLAGFASE en GR. 4

Die volgende drag is in 2019 infaseer; vanaf 2021 is dit verpligtend.

Skooldrag vir Seuns:

SOMERKWARTALE	WINTERKWARTALE
Navy gholfhempie met geel "piping", navy kortbroek met geel "piping", kort wit sokkies en wit tekkies.	Navy gholfhempie met geel "piping", navy kortbroek met geel "piping", kort wit sokkies en wit tekkies. Navy skoolsweetpak en/of navy warm voorgeskrewe windjekker en trui.

3.3.1 VOORKOMS VAN SEUNS:

Hare

- ☺ Die hare van die seuns moet voor, 2cm bo die wenkbroue wees.
- ☺ Die wangbaarde mag tot regoor die oorknoppie strek.
- ☺ Gesighare altyd glad geskeer. Geen snorre of baarde.
- ☺ Hare om die ore mag nie oor die ore gaan as dit reguit af met 'n kam gekam word nie.
- ☺ Agter in die nek moet dit 2 cm bo die hempskraag wees.
- ☺ Hare moet geleidelik opgesny word en nie 'n onnatuurlike rand maak nie.
- ☺ Hare mag op geen wyse gekleur word nie.

Naels

Naels van seuns moet skoon en 'n aanvaarbare lengte wees.

Versierings

Horlosies, "Medic Alert". Geen ander versierings word toegelaat nie.

Lapelwapens

Slegs wapens wat deur die skool toegeken is, mag gedra word.

13.4 SPORTDRAG:

ATLETIEK	Navy en maroen gholfhemp met skoolwapen vir plaaslike atletiekbyeenkomste (Dogters dra maroen netbalhempie) Navy kortbroek met geel "piping /donkerblou kortbroek of hardloopbroekie Spesiale atletiekfrokkie vir leerders wat gekies word om skool te verteenwoordig. Skoolsweetpak
TENNIS	Navy en maroen gholfhemp met skoolwapen (Dogters dra maroen netbalhempie) Navy kortbroek met geel "piping /donkerblou kortbroek vir seuns Netbalrompie / skort vir dogters Skoolsweetpak Eerste spanne en ander spanne dra geborgde klere
KRIEKET	Navy en maroen gholfhemp met skoolwapen H/S : Wit langbroek Voorgeskrewe skoolkleurbaadjie L/S : Navy kortbroek met geel "piping /donkerblou kortbroek en LO-kortbroek Grys skoolsokkies met skoolkleure Skoolsweetpak
SWEM	Swart/Donkerblou eenstukswembroek - seuns en dogters Swempet (verpligtend vir dogters) Navy en maroen gholfhemp / maroen netbalhempie Sweetpak
RUGBY	Voorgeskrewe gestreepte trui – meeste spanne het geborgde trui Donkerblou rugbykortbroek Voorgeskrewe rugbykouse vir H/S 0/19A - geborgde trui Wit kortbroek (net 1ste span) 0/19A dra spandrag voor en na wedstryde
NETBAL	Netbalhempie Donkerblou rompie / skort soos voorgeskryf Kort wit sokkies Alle laerskool en hoërskool spanne dra die skoolsweetpak voor en na wedstryde Eerste span & 0/13A dra voorgeskrewe speeldrag Eerste span dra spandrag voor en na wedstryde + O/13A
GHOLF	Navy en maroen gholfhemp met skoolwapen Skoolbaadjie Ligte kleur lang chino (kakiekleur)

Nuwe sportdrag is vanaf 2019 infaseer.